



温州市图书馆


WENZHOU LIBRARY



温州市图书馆

WENZHOU LIBRARY

00442



温州市图书馆
WENZHOU LIBRARY

S4300



温州市图书馆

WENZHOU LIBRARY



温州市图书馆

WENZHOU LIBRARY

監本五臣音註揚子法言卷第六

李軌柳宗元註

宋咸吳祕司馬光重添註

五百篇

咸曰矜其未至而誘之自非聖人則孰能與於世故五百之義次之寡見

聖人聰明淵懿繼天測靈

咸曰靈萬靈也言天有泰否聖有出

沒皆不常然故聖人之出沒繼天道之冠乎否泰所以測濟萬靈者也○祕曰神靈

群倫經諸範

範模也咸曰倫品也範猶制度也言聖人之生冠于群品經緯

以制度而為天下利○祕曰至聖之著存乎軌範○光曰聖人以聰明深美之德繼成上

天之功測知神靈之理首出羣類立之法度以為萬世之常道譔五百麟鳳

不常出聖人不常生或如三辰之並照或如一天之獨久能存其道則墻奧可量哉○光

曰明聖人之道

或問五百歲而聖人出有諸孟軻史遷皆有此言○祕曰趙

岐言五百歲聖人一出天道之常也曰堯舜禹君臣也而並光

並文武周公父子也而處光曰湯孔子數百

歲而生光曰湯上距禹下距文王因往以推

來雖千一不可知也千歲一人一歲千人不

三聖相並後數百年始生湯文武周公三聖
同處後數百年始生孔子先則比年而三聖
後則遠年而一聖因往以推來雖千年一聖
亦未可知也夏后氏有國四百三十二歲而
湯興周有國五百七
十二歲而孔子生
聖人有以擬天地而叅

諸身乎

稟天地精靈合德齊明是以首擬天
腹擬地四肢合四時五藏合五行動

如風雷言成文章也○咸曰夫天地之道或
泰而通或否而塞泰則萬物阜否則萬化闕
弗一而常也夫聖人之道或生而出或亡而
絕出則萬物遂絕則萬化滅亦弗一而常也
是故天地不常泰亦不常否聖人不常出亦
不常絕揚子因上論聖人之生有以合天地
之化遂為之言爾註以別為一義且云首擬
天腹擬地以形體解之甚失揚旨矣夫人之

有血氣形體首圓象天足方象地至于肢藏
 各有所法雖庸愚者皆然豈獨聖人哉學者
 宜辨之○祕曰聖人有以擬法天地而參乎
 言行也管子曰聖人若天然無私覆也若地
 然無私載也禮曰譬如天地之無不持載無
 不覆燾皆言聖人之道也○光曰言德與天
 地參者則為聖人
 無疏數之期也
 身之事○光曰有曰焉誦乎
 咸曰焉安也
 曰誦與屈同
 仲尼於南子所不欲見也
 祕曰南子衛靈公
 夫人也孔子本不
 欲見
 於陽虎所不欲敬也
 祕曰陽虎陽貨為
 季氏家臣專魯之
 政孔子本
 不欲敬也
 見所不見敬所不敬不誦如何
 曰

孔子見其本不欲見者欲使靈公行治道也敬其本不欲敬者如有用我者吾其為東周乎是欲誦身以行道語曰子見南子又曰時其亡也而往拜之

或曰衛靈公問陳則何以不誦祕曰不誦謂不順從靈公而對以俎豆之事○光曰

陳直刃切曰誦身將以信道也如誦道而信身雖

天下不可為也仲尼之敬陽虎楊子之臣王莽所誦形也於神何時撓哉

諸如此例學者宜識其旨○咸曰信讀如屈伸之伸言見南子陽虎是身也雖誦之可矣

於道何損對靈公是道也將誦之可乎雖得天下不當為矣故孔子曰君子之行已可以

誦則誦可以伸則伸楊子之於事莽亦斯之謂乎○光曰信與伸同雖利之以天下猶不

士德堂刊 易子卷六 三

可為誦道伸身之事聖人重其道而輕其祿衆人輕其

道而重其祿聖人曰於道行歟衆人曰於祿

殖歟聖人以行道為務凡人以祿殖為先○光曰殖豐多也昔者齊魯

有大臣史失其名以道事君不可則止為大臣也史失其名者不書其

名也曰如何其大也曰叔孫通欲制君臣之儀

徵先生於齊魯所不能致者二人高帝時叔孫通為奉

常欲制君臣之禮乘亂之餘權時之制不合聖典雖盡其美未盡其善故不能致之○祕

曰叔孫通為漢高起朝儀召魯諸生三十餘人魯有兩生不肯行曰又欲起禮樂禮樂所



由起積德百年而後可興也吾不忍為公所
為不合古吾不行公往矣毋汗我通笑曰若
真鄙儒也不知時變遷固二史皆曰魯有兩
生而揚謂齊魯豈其接近而言哉○光曰先

生謂宿儒曰若是則仲尼之開跡諸侯也非邪咸曰

開謂開布其跡於諸侯之國○祕曰若以二

生為是則仲尼欲行教於諸侯非歟開說

其君臣之義跡迹述其禮儀之制○光曰或

難揚子以齊魯二生知道不行而不起為是
則仲尼之歷聘為非邪曰仲尼開跡將以自用也欲行

制素法也○祕曰欲行如委已而從人雖有
已之道合於聖人之法
規矩準繩焉得而用之咸曰規矩準繩猶制

世德堂刊 易子卷六 四

則雖有制度不得專而用之故二人所以不
 至也如孔子則不然。祕曰通制漢儀得隨
 時之義而楊獨許此二生者蓋善其惡叔孫
 之面諛而雜用秦儀且欲自明揚之志不隨
 莽改作也。○光曰二生所守三王之禮而叔
 孫通阿諛希世雜用秦儀若起則當委已而
 從之安得自用其道也。或問孔子之時諸侯有知其聖

者歟曰知之曰知之則曷為不用曰不能曰

知聖而不能得聞乎曰用之則宜從

之祕曰用其人從之則棄其所習光曰習謂

逆其所順光曰順謂彊其所劣光曰彊其亮

情志所欲切劣謂彼所

難捐其所能咸曰夫子所習者正彼所習者

彼所順者非道故當逆之夫子所劣者非彼

者不德故當捐之秘曰既從聖人之道則

諸侯習其異聞者棄之順非而澤者逆之劣

於仁義者彊之以攻戰聚斂為能者捐之是

之謂能用之光曰捐與專切能謂心所素

有衝衝如也光曰心相非天下之至德孰能

用之咸曰衝衝猶多也言諸侯如是者多矣

有天下之至德至道誰能用之哉光曰李

宋吳本皆無德字音義稱天復本有之今從

之至德謂至

明之德也

或問孔子知其道之不用也則

明之德也

載而惡乎之

欲知載道術何所之詣。祕曰

之後世君子

許來哲祕曰與諸後世之王者禮運曰禹湯文武成王周公由

此其選也此六君子者未有不謹於禮者也。光曰俟後之聖賢必有能用其道者曰

賈如是不亦鈍乎

言畜貨以遺後畜道俟將來是遲鈍。祕曰譬如賈

之不售。光曰賈音古言行道者貴於及身乃載以遺後世譬諸為賈求利者如此不亦

鈍曰眾人愈利而後鈍

咸曰邪道苟合久而益非。祕曰行一切

之利不聖人愈鈍而後利

咸曰正德不偶久而益光。祕曰初

不苟合久而利博。光曰言關百聖而不慙

利愈近則愈小愈遠則愈大



祕曰關猶言管也荀子曰天下之道管是矣

百王之法一是矣揚倞曰管樞要也○光曰

孔子之道雖經蔽天地而不耻也咸曰蔽猶塞

百聖不可易也言道塞於

天地而無所愧○光能言之類莫能加也

曰蔽當作弊終也

自生民以來未有如夫貴無敵富無倫

子也○光曰為眾說郭

所不利孰大焉

能踰利孰大焉

矣利及萬世非大而何

光曰範圍天地曲成萬物

或曰孔子之道不

可小歟

嫌孔子大其道故曰小則敗聖如何

祕曰小道害聖如之何可小○光曰音

義曰天復本無如何字今從李宋吳本曰若

是則何為去乎

咸曰言不見用則已何去魯去衛之為乎。光曰道既不可小則所如不合

何必去父母之邦

曰愛日

祕曰欲及時急於行道

曰愛

日而去何也

咸曰言欲及時施道則止魯可矣何去之。祕曰去魯。光曰

留魯而化之則收効彌遠

曰由群婢之故也不聽正諫而

不用噫者吾於觀庸邪無為飽食安坐而慝

觀也

齊人歸女樂季桓子受之三日不聽朝政諫而不用於是遂行。咸曰孔子相

魯齊人懼而欲敗其政選齊國中女子好者八十人皆衣文衣而舞容璣文馬三十駟以

遺魯君季桓子語魯君為周道游觀終日怠於政事子路曰夫子可行矣孔子曰魯今且

郊如致膳乎大夫則吾猶可以止桓子卒授
 之三日不聽政郊又不致膳俎於大夫遂行
 而師已送之曰夫子則非罪也孔子曰吾歌
 可乎歌曰彼婦之口可以出走彼婦之謂可
 以死敗優哉游哉聊以卒歲師已反歌桓子
 曰孔子亦何言師已以實告桓子曰夫子罪
 我以羣婢故也不聽正當作不聽政字之誤
 也雉噫猶歌歎之聲梁鴻五噫之類也庸邪
 謂女樂也言仲尼所以雉噫然歌之而去者
 蓋不能飽食安坐慙觀庸邪之樂欲愛日汲
 汲於施道也○光曰宋吳本作不用（雉噫者
 今從李本無雉字（正與政同）一鹽反季桓
 子受齊女樂不聽政孔子諫不用乃嘆曰吾
 為大夫豈可坐觀其政亂民困邪故去之佗
 國觀由此觀之夫子之日亦愛矣
 庸闕惜寸陰○

世憲堂刊

易子卷六

七

溫州市圖書館

WENZHOU LIBRARY

道必不行於魯故

或曰君子愛日乎

祕曰君子必如

夫子愛日乎

曰君子仕則欲行其義居則欲彰其

道

祕曰仕則欲道之行居則欲道之著○光曰居處不仕

事不厭教不

倦焉得日

日不暇給○咸曰言不廢一晷安得餘日而愛之

或問其

有繼周者雖百世可知也秦已繼周矣不待

夏禮而治者其不驗乎

祕曰孔子言殷因於夏禮周因於殷禮三

代損益相因若循環而繼周者宜復用夏禮矣秦不用而治是聖人之言無驗乎

曰

聖人之言天也

咸曰聖人之所言者天命也如五運正統者爾故能相因

而損益 **天妄乎** 祕曰聖人之言天意也聖言不

者非天意也。○光曰聖人之言 **繼周者未欲**

譬如天天運行有常豈妄動乎 **泰平也** 咸曰妄忘也天似未欲天下之平而

因暴而得之也。○祕曰秦不 **如欲泰平也捨**

用三代之禮是未欲太平也 **之而用佗道亦無由至矣** 暴秦之繼周王莽

悼之賢者能無慨歎乎。○咸曰佗道謂邪道

指秦政也言天如欲天下之平則捨秦而立

用聖人矣用聖人則秦之邪道亦無由至矣
今註辭殊不據文釋之但引王莽比秦似非
正文之意夫王莽篡也而秦并天下其可謂
篡邪秦與王莽暴則同矣而其所取異焉。○

祕曰如秦之意亦欲泰平也赫赫乎日出之捨禮而用刑法亦無由至也

光群目之用也渾渾乎聖人之道群心之用

也祕曰羣目非日光無以辨色羣心非聖道無以表正○光曰渾戶昆胡本二切目因

日光然後能有見心因聖道然或問天地簡後能有知渾渾廣大疏通之貌

易而聖人法之何五經之支離嫌難了○咸曰支離猶委

曲也○祕曰支離猶言分散也各有科條分散而難通○光曰支離猶扶踈繫多之貌

曰支離蓋其所以為簡易也支離分別之而後朗然事得簡

易○祕曰五經分散各有科條使人浚波已討源然後知聖人之道法天地之簡易也

簡已易焉支焉離

既簡既易乃是混茫之初焉支焉離言不可了也

咸曰言天地之道闢闔舒慘是亦先委曲經

營而後至於無為五經之文浩博祕奧亦先

委曲分別而後至於易了如其已自簡已自

易則安用支安用離○祕曰已達聖人之道

何支離之有○光曰道之未明故支離以明

之道之既明則坦然簡易安用支離也言經

者所以明道既**或曰聖人無益於庸也**祕曰

明則經不繁矣

也老子有絕聖棄智之言故曰無益於用據

漢尚黃老而司馬談班固之徒各稱老嚴之

妙而詆訾聖人是以**曰世人之益者倉廩也**

或人問難多此類也

取之如單有時而盡○光曰倉廩雖

於人有近益而所藏不多**仲尼神**

士德堂刊
易子卷六
九

明也小以成小大以成大雖山川丘陵草木

鳥獸裕如也

學其道者大小各隨其本量而取足。○祕曰神者所以用乾坤

六子而生萬物者也聖人之道神明之道也

得其小大各有所成而無所窮盡裕如也。○

光曰神明造化也

物無窮裕如有餘貌如不用也神明亦末如

之何矣曰神明有所不及聖人有所不訓。○祕

獸斲之齧之使不得遂其生雖神明亦無如

之何也。○光曰頑石朽木造化所不能移昏

君愚人聖人
所不能益
或問聖人占天乎曰占天地

言能

占之聖。○祕曰孔安國曰無事不通
謂之聖。○光曰仰觀象俯觀法
若此則史

也何異曰史以天占人聖人以人占天

聖人以人

占天者先乎天也史以天占人者後乎天也
大聖先天而天不違良史後天而奉天時知
其所先後則天人之情得矣○祕曰以天占
人者觀天以見人事也以人占天者因人以
知天意也○光曰史考察象數知人事
之吉凶聖人修人事知天道不能違

或問

星有甘石何如

祕曰或人復問史之尤著者
善於占星晉志曰諸侯之史

齊有甘德魏有石申夫皆掌著天文各
論圖驗其巫咸甘石之說後代所宗

曰在

德不在星德隆則畧星星隆則畧德也

咸曰畧影

也猶影蔽之也隆尚也言隆尚於德則影蔽
星畧隆尚於星則影蔽德業○祕曰畧規也

星之妖瑞不虛發應有德無德之隆盛亦規德而已○光曰晷影也影從形者也德崇則

星從而祥星崇則德從而壞或問大人曰無事於小為大

人○賢者志大之謂請問小曰事非禮義為小

尚志在乎禮義大人之事備矣○光曰治禮義則餘無不治者所以為大聖人之

言遠如天○天懸象著明而人不能察聖賢人

之言近如地○山川澤田之形可得而鑒○光曰天高遠不可及地雖近亦承

天而瓏璽其聲者其質玉乎○玉之瓏璽其聲亦猶君子清玲

其德音○祕曰諭遠近之美孟子曰玉振也者終條理也○光曰玲璽宋吳本作玲瓏今

從李本瓏盧紅切璽音靈聖人矢口而成言

質美則聲清德充則言善肆筆而成書矢正也肆操也秘曰矢放也

雅曰矢弛也郭云弛放言可聞而不可殫書可觀而不

可盡性與天道秘曰所以遠如天光曰

深遠聖人縱心所欲皆合於道不可殫盡言也周之人多行貴尚德義仁人得行其道

是統言衆人矣而注為仁人得行其道况衆

人者非能行道若以為仁人則又與正文相

反非揚旨也此蓋言周盛王道禁網疏闊商

賈之人皆得謗議於市故衆人略無諱忌所

行皆可爾秦之人多病道屈沈也秘曰以道屈

道可沉哉此言秦法刻密偶語者棄市所行
忌甚多衆庶之人無措手足動則見病爾行

有之也病曼之也

之者秦無道也○咸曰注

殊不解行有之病曼之之義但云周有德秦

無道即未知行有之病曼之果何語邪甚非

謂矣夫行有之者謂他人所敢行天下或有

之或無之惟周之人所敢行者天下皆有之

言多也病曼之者曼長也言他人所病者或

作之或愈之惟秦之人所有病者天下長然

言無愈時也○祕曰曼無也多行樂於事業

而不壅也多病困於刑罰而不蘇也周人所

以多行者由君存而有之也秦人所以多病

者由君視之如無也刑法志曰秦用商鞅連

相坐之法造參夷之誅○光曰行下孟切曼

莫半切周人多賢行者有聖人之道以教之

也秦則無無周之士也貴道秦業隆故尊貴

之故多疵病用賢為貴○祕曰周之士以德行道藝而秦

升之所以貴光曰閑於禮樂故可貴○**之士也賤**道否人卑故窮賤○咸曰言秦棄

法而責成之所以賤光曰習於刑名故可賤○**周之士也肆**肆放任

義行咸曰古者天子聽政公卿至於列士皆得獻詩以諫言周無所忌故臣下皆得肆

縱直言○祕曰肆猶縱恣也縱秦之士也拘

行公道○光曰優游仁義之間拘制曲從不肆正道○咸曰此謂秦以忠諫

為妖言或皆族之故臣下無敢議事而拘忌○祕曰拘拘束於法○**月未望則載魄于西**

光曰動為文罔所制

載始也魄光也載魄于西者光始出於西而漸東滿○光曰魄當作朏明也明始於西以

漸變既望則終魄于東光稍虧於西而漸東魄盡○咸曰按周書召

誥曰惟丙午朏傳云朏明也月三日明生之名康誥曰惟三月載生魄傳云三月始生魄

月十六日明消而魄生是則朏為明魄為晦矣夫月未望者即始生明之時也正文宜曰

月未望則載朏于西夫月既望者即始生魄之時也正文故曰既望則終魄于東今未望

亦言魄蓋字之誤也而註文隨誤強解以魄為光恐失其義○光曰明在於東成魄之終

其遡於日乎迎遡迎也言為人臣終始盛衰向

咸曰遡向也夫日行遲一歲而周天月行速一月而周天故月之行終始皆向日也非有

迎日之義其上下弦之時行度近日所以光
 損而未盛及夫月十五日其行度遠而與日
 相對望所以光滿而明也猶臣之近君則威
 損遠君則勢盛揚子上言周秦之士故因論
 日月之分以明君臣之道當然而秦不然也
 ○光曰(朔)音素月迎日而有光猶臣賴君而

有功彤弓驢矢不為有矣
以諭有君而無臣○咸曰周之制諸侯得

賜弓矢然後專征伐故平王東遷晉文侯有
 安定之功遂賜彤弓一彤矢百茲弓百茲矢
 千也此言秦之士賤而拘頗失君臣之道則
 安所用忠而得賜於彤茲弓矢哉故曰不為
 有矣注謂以諭有君無臣不連上文失之也
 ○光曰(驢)落胡切與茲同彤弓茲矢人臣之
 上賞也人臣不得君之任使安能有功故雖
 受彤弓茲矢之賜未可自謂已功恬而有之

士德堂刊
 揚子卷
 三

也晉平公問齊桓之霸君之力乎臣之力乎
 師曠曰管仲善斷割隰朋善煎熬賓胥無善
 齊和羹已熟矣奉而進之而君不食誰能彊
 之亦其君之力也樂羊拔中山返而論功魏
 文侯示之謗書一篋樂羊再拜
 稽首曰此非臣之功君之力也
 聆德前世清

視在下鑑莫近於斯矣

執古以御今御今以古則殷鑒不遠○咸

曰聆聽也前世謂周秦也下謂士庶也言後
 之為君者辨聽周秦之疏闊刻密明視臣庶
 之行病拘肆則為鑑之道無近於此矣○光
 曰李本聆德作聆聽今從宋吳本前世不可
 見故云聽臣民
 或問何如動而見畏曰畏人
今在下故云視

何如動而見侮曰侮人

禍福無門惟人所召
 ○咸曰鄭康成云心

服曰畏此言畏猶心服而畏敬之也故畏敬
於人則人亦畏敬之慢侮於人則人亦慢侮
之夫見畏與見侮無不由已我欲仁斯或問

禮難以彊世言禮事至難難以彊世使行○

禮之拘難曰難故彊世祕曰禮者君子之所

以其難故彊之使過者俯而就之不及者
跂而及之○光曰以其難故彊使遵之如

夷俟倨肆羈角之哺果而啗之奚其彊咸曰夷俟

倨肆皆驕倨之謂也羈角猶總角也傳曰貴
不期驕而驕自至是夷俟倨肆不學而能人

所易也總角之童哺啗其果亦易之也設乎
禮道不難如驕啗之易則安用彊教於世哉

○光曰夷俟若原壤者凡剪髮男角女羈謂
幼子也人之箕倨驕慢及幼子啗果皆其情

所欲何**或性或彊及其名一也**性者天然生
知之彊者習

必彊也學以至也雖為小異功業既成其名一也○
咸曰性者言人之性自然而好禮也彊者言

人之所難用使而為禮也性與彊既皆由禮
是其為名於行禮同也蓋因上文彊禮之論

故於此誘之爾註以生知習學之義別為一
段解之非謂矣○光曰人或性安於禮或自

彊以從禮及**見弓之張兮弛而不失其良兮**
其成名一也

弛**或曰何謂也曰撒之而已矣**弓良在撒格
人良在禮樂

○咸曰周禮謂撒為正弓之器也言弓之一
弛一張而不失其良者以有撒正之也人之

一動一靜而不失其善者以有禮制之也
此亦因上文而為之言○光曰撤居影切

有防器有範見禮教之至也

川防禁溢器範
檢形以喻禮教

人之防範也以舊防為無所用而壞之者必
有水敗以舊禮為無所用而去之者必有亂

患也○秘曰川無防則水為害器無範則人
廢業禮教失則禍亂生王制曰用器不中度

不鬻**經營然後知幹楨之克立也**

幹楨築牆
版之屬也

言經營宮室立城郭然後知幹楨之能有所
立也建宗廟立社稷然後知禮樂之能有所

成**莊楊蕩而不法**

咸曰莊周楊朱之
道放蕩而非

墨晏儉

而廢禮

咸曰墨謂墨家也司馬遷曰墨者儉
而難遵晏謂晏嬰也禮曰晏子祀其

先人豚肩不掩豆澣衣濯冠以祭是皆不中禮也 申韓險而無化

傷於險而無教化 鄒衍迂而不信 迂迥不可

外山川之事迂誕而不可信也 聖人之材天

地也 覆載與天地合其德 祕曰次山陵川

泉也 次聖者大賢也高顯如山陵通潤如川

物次鳥獸草木也 區別各有所長 咸曰班

品揚亦以人分較為三等矣上聖人如天地

也中賢人如山陵川泉也下庶人如鳥獸草木

流矣有旨哉揚子之言 祕曰衆人也語曰

譬諸草木區以別矣馬融曰言大道與小道殊異譬如草木異類區別言學當以次○光曰依於山陵川泉以自生所得彌小

先知篇

咸曰聖人之哲動則先知故次之五百

立政鼓衆動化天下莫尚於中和

光曰鼓謂鼓舞

中

和之發在哲民情

哲智○祕曰五行傳曰哲知也中和之發則民之情

偽無不先知中庸曰喜怒哀樂之未發謂之中發而皆中節謂之和中也者天下之大本也和也者天下之達道也致中和天地位焉萬物育焉○光曰哲當作哲哲明也言將發中
和之政在
謨先知
祕曰聖人達于事幾吉
先明民情
之先見故能成天下之

化○光曰論
為政之道

先知其幾於神乎也幾近也神以知來探未兆也逆識先知近於神也

光曰幾音敢問先知曰不知答以不知者神機下同

之所及○祕曰知之其神乎知其道者其如視舉目便見忽眇

絲作昞眇絲遠視也○咸曰忽輕也眇細也絲遠也昞謂炳然光明也此言先知之道

臨事則悟如明目之視忽輕眇細絲遠之物皆炳然而見也注從其如視隔為一句復

以眇絲為一事釋之頗失其義○光曰宋吳本昞作炳今從李本音丙闕先甲一

日易後甲一日難甲者一句之始已有之祕也先之一日未兆也後之

一日巳形也夫求福於未兆之前易救禍於巳形之後難○咸曰甲者教令之始也夫明王之道先令後形故先甲一日以昭而示之也示之而雖犯猶宥之故曰先一日易也後甲一日以廣而諭之也諭之而尚犯則犯之故曰後一日難也○祕曰周禮縣治象之法于象魏使萬民觀治象挾日而斂之鄭司農云從甲至癸謂之挾日凡十日是以易稱先甲三日先庚三日皆為申命令之義夫干有十日自甲至癸皆挾日之義而易獨取甲庚者以甲木主仁而示其寬令也庚金主義而示其嚴令也今夫先見者察民未犯之前先一日申其令則其為治易也如當巳犯之後後一日申其令則其為治難也○光曰並闕

或問何以治國曰立政曰何以立政曰政之

本身也身立則政立矣子帥以正孰敢不正或問為政

有幾幾要也欲知為政善惡曰思斲斲厭

政善則人思慕之政惡則人厭苦之○祕曰言

問思斲曰昔在周公征于東方四國是王王

○咸曰詩云周公東征四國是皇召伯述職

蔽芾甘棠其思矣夫祕曰周公旦攝政三監

周公東征三年而歸四國於是從王命也故

東山二章言其思也詩云不可畏也伊可懷

也召公奭聽訟於甘棠之下國人思其人美

其樹詩云蔽芾甘棠勿剪勿伐皆其思矣

光曰召實詔切非齊桓公欲徑陳陳不果

內執袁濤塗其斃矣夫伐楚雖美而御師不

曰齊桓公既伐楚而欲徑從陳陳不欲內之

故執袁濤塗僖公四年左氏無斃之之文揚

據公羊而言也公羊傳曰濤塗謂桓公曰君

既服南夷矣何不還師濱海而東服東夷且

歸桓公曰諾於是還師濱海而東大陷于沛

澤之中顧而執濤塗古者周公東征則西國

怨西征則東國怨桓公假塗于陳而伐楚則

陳不欲其反由己者師不正也不脩其師而

執濤塗古之人討則不

然也○光曰丙音納嗚呼從政者審其思

斃而已矣或問何思何斃光曰何曰老人老

士德堂刊 陽子卷六 六

孤人孤病者養死者葬男子畝婦人桑之謂

思為政如此人所思也。祕曰使人各得其所則見思矣。若汗人老慢

○祕曰汗辱也。○屈人孤屈窮。祕曰屈抑之。病者獨

所養祕曰無死者逋祕曰見死者逋逃而不葬。田畝

荒杼軸空之謂斲民厭苦也。祕曰使人為

政日新或人敢問日新咸曰欲曰使之利其

仁樂其義咸曰使民以仁為利以義為樂則勤於進矣。祕曰博愛為仁則其

利彌廣合宜為義則其樂無窮。厲之以名

光曰仁義者顯榮故利而樂之

引之以美

咸曰以名譽而勵勸之以美善而引導之則喜於行矣

使之

陶陶然之謂日新

咸曰如是則民欣欣然無怠非日新而何○祕曰日

日新○光曰陶陶喜為善之貌

或問民所勤

勤苦曰民有三勤

曰何哉所謂三勤曰政善而吏惡一勤也

光曰

不能宣布稱上志

吏善而政惡二勤也

光曰掣肘不得行其志

政吏駢惡三勤也

政君也駢並也○祕曰駢并也

禽獸食人

之食土木衣人之帛

光曰衣於既切

穀人不足於晝

絲人不足於夜之謂惡政

人君苑囿禽獸故穀人竭力於晝也

土木衣綈錦故絲人竭力於夜也
晝夜竭力而猶不足是故為惡政
聖人文質

者也
因人才質刻而畫之文而藻之
質者言世之質野如鳥獸草木然
○咸曰

因為禮樂制度以文飾之故有別也
註謂因
人才質刻而畫之無乃不可乎
○祕曰因其

質而文之
○光曰質者為政之大體也
質既
美矣又須禮樂以文之
周書曰若作梓材既

勤樸斲惟
車服以彰之
○車服等差辨彰貴賤
其塗丹雘
○祕曰五車十二衣

以彰
藻色以明之
藻色輕重顯明尊卑
○祕
之
曰藻色謂文物也
曰文藻五色以明之
○光

彰明上下之體
聲音以揚之
歌於管絃詠
其德美
○祕

曰和鸞玉佩五
音六律以揚之
詩書以光之
載其功德光
後世
○祕曰頌

載其德光顯後世
皆所謂文質者也
籩豆不陳玉帛不分琴瑟

不鏗鍾鼓不聒吾則無以見聖人矣
言此諸禮存故

得觀聖人。祕曰聒鐘鼓之聲也。聒與隱聲相近。隱訇皆聲也。此皆謂質野無文而已。

光曰李本吳本[聒]皆作聒于粉切說文云聒有所失也音義曰天復本作聒音云耳中聲也今從之

言聖人事業皆在制禮作樂之中也或曰以往聖人之法

治將來譬猶膠柱而調瑟有諸曰有之
光曰言當

隨時制宜曰聖君少而庸君多如獨守仲尼之道

是漆也
漆甚於膠。祕曰漆膠類。曰聖人之法未嘗不關

世德堂刊
揚子集
卷一

盛衰焉

咸曰觀其盛衰以為之
公華曰祕曰隨時制宜

昔者堯有天

下舉大綱命舜禹

咸曰大綱猶大道也禪位
於舜禹孟子所謂天與賢

則與賢也○祕曰大綱皇綱也堯命
舜舜命禹○光曰大綱謂天下之政

夏殷周

屬其子不膠者卓矣

卓遠○咸曰夏殷周屬
其子孟子所謂天與子

則與子也○祕曰卓然
可見○光曰屬音燭

唐虞象刑惟明

法度
彰矣

○祕曰畫象也何休曰孔子曰三皇設言民
不違五帝畫象世順機三王肉刑揆象加漢
文令曰蓋聞有虞之時畫衣冠異章服以為
戮而民不犯○光曰揚子以象刑為畫衣冠
異章服也
夏后肉辟三千不膠者卓矣
二帝三王
期於存公

不恤私也。○秘曰：五刑之屬三千。○光曰：辟步役切。堯親九族，協和萬

國。湯武桓桓，征伐四克。由是言之，不膠者卓

矣。人君之跡雖異，隨時順宜，其道一也。○禮秘曰：仲尼之道亦二帝三王之道也。

樂征伐自天子所出。秘曰：道之常也。春秋之時，齊晉

實予不膠者卓矣。禮樂征伐當由天子所出，而春秋之時，天子微弱，齊

相晉文專命征討，然其所為皆尊王室，故春秋公羊傳文雖不予，而實予之存於公正也。

○秘曰：予與與同。春秋之時，齊晉得專征伐者，蓋前王與之爾。僖四年，傳管仲曰：昔召康

公命我先君太公曰：五侯九伯，女實征之。以夾輔周室，周制諸侯有大功，賜弓矢，然後專

世德堂刊 陽新卷六 三

征平王賜晉文侯彤弓一彤矢百驢弓一驢
 矢百實與者謂孔子刪書而序文侯之命無
 所黜去則齊亦宜然也自湯武以上或曰人
 稱由是言之明二霸之迹不可繼也

君不可不學律令曰君子為國張其綱紀謹

其教化

綱之有綱紀猶君之有服肱也綱紀張則綱目正股肱良則庶事康導

之以仁則下不相賊莅之以廉則下不相盜

臨之以正則下不相詐修之以禮義則下多

德讓此君子所當學也如有犯法則司獄在

執契而已○秘曰或人以

曰各有司存 或苦亂 苦患○秘曰或人以

曰綱紀綱紀然後綱目正。祕曰提其綱正

至於庶人上下相承曰惡在於綱紀光曰天子

如身使臂臂使指曰大作綱小作紀網賴綱紀君任輔佐。光曰天子為四方之綱。

諸侯為一國之綱卿大夫如綱不綱紀不紀

士各紀其職亂何自生雖有羅網惡得一目而正諸網無綱

謂失綱紀之任正君無股肱國不治。祕曰王者之教化或

也仁廉禮義為其綱以糾之則百辟自正曰齊得夷吾而霸仲尼曰小器祕曰管仲請

問大器曰大器其猶規矩準繩乎先自治而

後治人之謂大器

夫以規矩準繩而能使上

必籠沓群疑之表莫得與之爭量也管子相桓公不能以之自固三歸反坫然後獲安。

秘曰規矩先自圓方準繩先自平直然後能為器器出於是大器者也管子不知禮安能以禮正

國哉

或曰正國何先曰躬工人績

躬身也工官也

言先正身以臨百官次乃覺察其人考其勲績也。○光曰工巧則績善工拙則績惡言當

先正其身然後正人

或曰為政先殺後教

光曰言當先使民畏威然

後可教

曰嗚呼

嗚呼駭歎之聲

天先秋而後春乎將先

春而後秋乎

天道先春後秋以成歲為政先令後誅以成治

吾見玄

駒之步

玄駒虬蜉子也

雉之晨雉也

鳴雉

化其可以已

矣哉

感陽應節自然之化化之所感有自來矣祕曰聖人之教化亦非強為之蓋順

春秋自然之道先教不從而後刑焉聖王奉

若天道牧之而已譬如蠶之能行雉之晨雉

虫之微者非教化之所及所以然者天道自

然先化之耳斯為政所以先教也步行也崔

豹古今註云螳曰玄駒光曰宋吳本已作成

今從李本螳出蟄而行雉之朝雉皆春候也

天以陽氣薰蒸萬物而成春聖人以道德陶

染百姓而成化故見春物而知教化安可以

已

民可使觀德

是以堯舜之

不可使觀刑

是

禁紂之民比屋可誅○祕曰王者可以德示

民而不可以刑示民亦先德後刑之義也在

易坎險為刑而象曰王公設險以守其國隱刑言險是不可顯示於人此聖人深旨也爾

雅曰坎律銓也郭云易坎卦主法法律皆所以銓量輕重觀德則純觀刑

則亂祕曰觀德則民生歸厚故亂象龍之致雨也

難矣哉象似也言盡繒刻木以為龍而求致雨則不可得也曰龍乎龍

乎道難非真龍真龍而後能致雲雨明君而後道化行也○祕曰言龍非其然乎真龍然

後雲行雨施若大旱非有傳說賢明之實者豈能為霖雨哉○光曰言非龍也為政者當

務實不可以文飾致治或問政核咸曰核實也問為政之實○光曰核下革

切謂精確曰真偽用真人遠佞偽真偽則政核善善

得其實

真人顯惡惡著則佞偽息真偽審則政事核也。○祕曰真真而偽偽則政得其實。○光曰

真偽真偽當作真如真不真偽不偽則政事

不核北面之禍南面之賊也。○祕曰真偽而偽真則政事不寔鼓舞萬物

者其雷風乎鼓舞萬民者其號令乎天以雷風鼓舞

萬物君以號令制御萬民雷不一三令五申風不再制無二也

發則羣蟄皆起雷收則羣蟄坏戶不主於一者也春風至則萬物皆生秋風至則萬物皆

落不俟乎再者也猶王者號令一出天下大同大同則何一之有一出則何再之有。○光

曰一再言其少洵雷隨風乃聖人樂天咸曰能動物三令五申乃能齊眾

上德堂刊 易子卷六 言一

知天命遇與否皆樂焉陶成天下之化使人有士君子

之器者也咸曰言明道立教使天下皆成其器猶陶甄者隨小大而制之○祕

曰陶者無模範則泥不成器聖人無禮制則人不成君子○光曰宋吳本樂下有天字今

從李本故不遁于世不離于羣咸曰故仲尼惶惶于宋鄭之郊

孟子區區於齊梁之間者蓋此也○遁離者祕曰所謂樂天○光曰離力智切

是聖人乎祕曰僚隱行怪非聖人歟○光唯

之不才其卵蝦矣蝦敗音段君之不才其民

野矣民之陶化猶泥之在鈞○祕曰或曰載蝦謂壤而不化野謂朴而無禮

使子草律

載設也草初也

曰吾不如弘恭

咸

弘恭與石顯皆少坐法腐刑為中尚書漢宣元朝專律令時詭辯以中傷人○光曰恭習

律草奏曰吾不如陳湯

咸曰陳湯字子山漢成帝朝王鳳奏以為

從事中郎莫府事一皆決於湯湯明法令常受人金錢作章奏卒以此敗○光曰湯善草

奏曰何為曰必也律不犯奏不劾

論語云聽訟吾猶人也

也必也使無訟乎此亦言當以純德化之使不犯律不劾奏也○光曰劾以冉切甄

陶天下者其在和乎

咸曰和謂剛柔得所

剛則甄柔則

坯

甄燥也坯慢也言失和也夫陶者失剛柔之和不成器為政失寬猛之中則不成

治○咸曰甄破瓦又破甕也坯怪恐也言陶法太剛則破裂太柔則恐弱而不能成○光

曰宋吳本坯作坏今從李本甄居延切甄五計切坯鋪回切坯土踈慢不黏也言甄者和

土剛柔之齊太剛則破裂太柔則踈慢治天下亦猶是也龍之潛元不獲

其中矣初九潛龍勿用上九亢龍有悔○祕曰天地以中為用是以過

中則惕九三居下卦之上不及中則躍九四居上

卦之下不及中故躍淵其近於中乎二五得中故有利見之吉○光曰以

其惕躍故近中愈於潛亢聖人之道譬猶日之中矣光被四表

○祕曰聖人之道中道也故於乾於日無不在中不及則未不及則未盛明

過則具

日吳明盡言昏昧也

什一天下之正也

什一稅

之中賦正法也

多則桀寡則貉

公羊傳曰多乎什一桀小桀寡乎什一

大貉小貉○光曰貉莫白反

井田之田田也

謂古八家是治宜也肉

刑之刑刑也

三千之屬是正法也

田也者與眾田之

曰咸

示均而無并兼

刑也者與眾棄之

咸曰示公而無枉濫

法無限

則庶人田侯田處侯宅食侯食服侯服

法無限

則興奢侈長僭亂○光曰眾田庶人田皆音甸

人亦多不足矣

僭亂既興

民多匱竭

為國不迪其法

迪而望其效

效譬諸算



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

行



温州市图书馆

WENZHOU LIBRARY